

Asasakka Tasiilami eqqaanilu innuttaasut.

Soorlu nalugunangikkissi Tasiilami meeqqat inuusuttullu inuunermi atugaasa siuarsarnissaannut pitsanngorsarnissaannullu sulinerput sivisuumik ingerlapparput. Assersuutigalugu ukioq kingulleq immikkut sammisassaqtitsinitsinni misissuinermi "Tasiilami oqariutuutit" suliaaraavut. Tamatuma suliarinerani paasinarsivoq siursaanermi ilissi innuttaasut peqataanissarsi aalajangeeqataanissarsilu sumiiffiup siuarsarnissaanut pingaaruteqartuuvoq.

Tamatumunnga peqatigitillugu kattuffik "Sustainable Now" Naalagaaffiit Peqatigiit nunarsuarmut siunertai 17-it tunngavigalugit meeqqat inuunerannik pitsaasumik ineriartortitsinermik suliaqartut attaveqarfigaavut. Innuttaasut ineriartortitsinissamut suliniutinik ingerlatserusunnissaat anguniarlugu innuttaasunut sammisumik ineriartortitsinissamut suliamik kattuffik siunnersuusiropoq, tassanilu nukittuffiit, iluatsinnerit suliniutissanullu nutaanut pisariaqartitsineq innuttaasunit oqaluttuarineqarneri ineriartortitsinermut pingaaruteqarlunnartutut inissimavoq. Tamannalu ima qulequtserneqarpoq "Tasiilami Suleqatigiippugut".

Nukissarpassuaqarnermik allannguinnissamillu periarfissaqalereerseq tunngaviusumik isumassarsiatut tunngavigalugu sulipput, kisiannili saqqummiunneqarnissaat pisariaqarlutik, aamma inuit suleqatigiiaallu suleqatigiilernissaat ineriartortitsinermillu ingerlatsilernissaat pisariaqarluni. Suleqatigiinnikkut allannguititsineq pisartooq.

Tasiilami eqqaanilu ineriartortitsinissaq Kommuneqarfik Sermersuup aamma Sustainable Now-ip suleqatigiissutigissagaa isumaqatigiippugut taannalu ima qulequtaqassaaq: "Tasiilami Suleqatigiippugut", maanna aallartissaagut. Sustainable Now-imit ukiuni arfineq-pingasuni ineriartortitsilluni sulinissamut pisussaaffilerneq akuerineqarpoq - illoqarfimmi eqqaanilu inoqarfinni innuttaasut isumassarsiaq peqataaffigissappasuk. Piffissami sivoqisumi pilersaarusoqataapput, tassami taamatut ineriartortitsiniarluni sulineq immitsinnut pisussaaffilersornissamut tunngasuummat, aamma namminerit immitsinnullu qanoq paasisarnerput tunngavigalugu allannguniarneq siunertaalluni. Nunarsuup ilaani sumiiffippassuarni taamatut sulineq misilittarneqartareerpoq, maanngaanniillu ilisimaneqartoq tassaavoq, ajornartorsiutit pilersissimasat allanngortinniarni sivoorujussuarmik pisinnaapput. Tasiilamit oqariutuutit aqutigalugit paasineqartoq tassaavoq, Nuummiit aqutsineq Tasiilami misigineqartartoq, tassa tikeriarlutik ukiup affaani allanngueriarlutik aallaqqittarlutik. Ukiuni arfineq-pingasuni ineriartortitsinissamut suliniuteqarnikkut ajornartorsiuterpassuit taama ittut siunissami pinngitsortinneqarnissaat naatsorsuutigaarput taavalu Tasiilami innuttaasut ineriartortitserusussuseqalissasut naatsorsuutigalutigu.

Sustainable Now ("Pitsaasumik angusaqarneq maanna pili") taamatut isumaqartoq) piffissami aggustip ulluisa 17-ianniit 27-annut sulinertik aallartisarniarlugu Tasiilamiissapput. Inuit sisamaasut tikissapput: Søren Skov, Jens Wandel, Pernille Thorup aamma Kirsten Wandel. Ineriartortitsinermik tamarmik immikkut misilittagaqartuupput. Søren Skov Danmarkip ilaani sumiiffinni assigiinngitsuni inuit akornanni taavalu Afrikap kujataani Townshipsimi oqaluttuanik ineriartortitsinerup suliarineqartarnerinik suliaqartareerpoq.

Danmarkimi kommunerpassuarni assigiinngitsuni innuttaaqataanerup najukkanilu oqartussaaqataanerup siursarneqarneri aamma Sørenip suliarisareerpai. Tamatuma saniatigut Aasianni peroriartorpoq ataataalu meeqqat angerlarsimaffianni aqutsisuulluni. Jens Wandel inuunini tamaat Naalagaaffiit Peqatigiinni ineriartortitsinermik suliaqartuuvoq. Vietnamimi


oqartussaaqataalernissaq pillugu suliaqartuuvoq, qimaasunut ineqarfiit siuarsarneqarnissaat taavalu nunarsuaq tamakkerlugu pitsaasumik angusaqarniarnerup siuarsarneqarnissaanik suliaqartuulluni. Tasiilarmiut angummik 1970-ikkunni sakkortuumik Piterartoqareernerata kingorna Danmarkimi meeqqat angerlarsimaffianut pisimasumik qatanngutisiaqarluni peroriartorpoq. Pernille Thorup tarnip pissusiinik ilisimasaqartuuvoq Danmarkimilu kommunini assigiinngitsuni meeqqat inuusuttullu atugaasa siuarsarneqarnissaannik suliaqartuulluni. Tamatuma saniatigut Maniitsumi, Kangaatsiami Nuummilu najugaqareerpoq. Ukiullu affaata kingulliup ingerlanerani maani illoqarfimmi Prinsesse Margrethep Børnehjemmiani ineriartortitsinissamut pikkorissaanernik arlalinnik ingerlatsisaruni. Tamakku saniatigut Jens Wandelip nulia Kirsten tikeqataassaaq, ilaatigut Sustainable Now-imi allaffissornermik suliaqartutut peqataassalluni, tassani inuit pingasut ukiuni tulluuttuni arlalinni sumi suliaqassanersut takussallugit.


Innuttaasut namminneq isumassarsiaat tunngavigalugit ineriartortitsinissamut sulinermi sulineq ingerlanneqassasoq tunngaviusumik isumassarsiaammat, siullermik innuttaasut naapinniarlugit illoqarfimmut tikissapput. Innuttaasut "nalinginnaasut" qanoq iliortoqarsinnaanerani isumassarsiaqartut, iluatsittunik misilittagaqartut aamma illoqarfimminnik inuusuttut atugaannik siuarsaanissamut nukissaqartut peqataarusuttullu oqaloqatigissavaat. Inuit assersuutigalugu Inuusuttut Kulturikkut Illorsuaneersut, Napparsimmavimmeersut, Kommunimeersut, Politiineersut allallu qanoq iliortoqarsinnaanerani isumassarsiaqartut oqaloqatigerusuppaat.

Imaassinnaasorluunniit siullermeerlutik tikissimalernerisa nalaanni isumassarsianik aallartitsisoqareersinnaasoq ilaatigut piffissami aggersumi ineriartortikkiartuaarneqarsinnaasunik. Oqaloqatigiinnerit tamaasa katitissavaat sulinerullu aallartilluarnissaanut ukiamut uteqqissallutik.

Neriuppugut tikilluaqqulluarumaarisi, aamma ammaakkumaarisi. Aamma neriuppugut piffissaq atorluarlugu Tasiilaq qanoq ineriartortinneqarsinnaanersoq pillugu takorluukkassinnik isumassarsiassinnillu oqaluttuukkumaarisi.

Inussiarnersumik inuulluaqqusillunga


for Borgmesteri Charlotte Ludvigsen


Pisortaq Martha Lund Olsen